

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ՄՏԱՎՈՐ ՍԵՓԱԿԱՆՈՒԹՅԱՆ ԳՈՐԾԱԿԱԼՈՒԹՅԱՆ
ԲՈՂՈՔԱՐԿՄԱՆ ԽՈՐՀՐԴԻ
Ո Ր Ո Շ ՈՒ Մ
N 42/11

Քաղ. Երևան

17 հոկտեմբերի 2011թ.

Հայաստանի Հանրապետության էկոնոմիկայի նախարարության մտավոր սեփականության գործակալության բողոքարկման խորհուրդը (այսուհետ՝ նաեւ բողոքարկման խորհուրդ) հետևյալ կազմով՝ խորհրդի նախագահ՝ Ա.Ազիզյան, անդամներ՝ Ա.Ս. Խաչիկյան, Ա.Ա.Տոնիկյան, Ա. Բաբայան, Ա. Ի. Ղարիբջանյան (քարտուղար) Ա. Հ. Աբգարյան իր 2011թ. հոկտեմբերի 17-ի նիստում քննարկեց «MAPEI S.p.A» ընկերության ներկայացուցիչ ՀՀ արտոնագրային հավտարմատար Ա. Գալոյանի կողմից 2011թ. հունիսի 13-ին ներկայացված «MAPEI» միջազգային գրանցման թիվ՝ IR 1017975 ապրանքային նշանի գրանցման գործողության տարածումը Հայաստանի Հանրապետությունում մերժելու մասին կրկնական փորձաքննության որոշման դեմ բողոքը:

Մերժման հիմք է հանդիսացել «Ապրանքային նշանների մասին» ՀՀ Օրենքի 9-րդ հոդվածի 1-ին կետի 3-րդ ենթակետը, համաձայն որի ապրանքային նշանը ենթակա չէ գրանցման բացի «MAPEI» բառից, քանի որ բաղկացած է գրառումներից, որոնք նշում են ապրանքի տեսակը: Այդ կապակցությամբ «Ապրանքային նշանների մասին» ՀՀ Օրենքի 45-րդ հոդվածի 7-րդ մասի համաձայն, հայտատուին առաջարկվում է սույն որոշումն ստանալու օրվանից երկամսյա ժամկետում հայտարարություն ներկայացնել այդ տարրի նկատմամբ բացառիկ իրավունքի հայտարկումից հրաժարվելու մասին:

Բողոքում ներկայացված է, որ 2011թ. մարտի 12-ին Մտավոր սեփականության գործակալության ապրանքային նշանների եւ արդյունաբերական նմուշների բաժնի կողմից կայացվել է վերոնշյալ ապրանքային նշանի վերաբերյալ կրկնական փորձաքննության որոշում, ըստ որի նախնական մերժման մասին որոշումը մնում է անփոփոխ:

Սակայն, բողոքարկողը համաձայն չէ փորձաքննության որոշման հետ և իր բողոքում նշել է հետևյալ փաստարկները: Ըստ բողոքարկողի «MAPEI» հայտարկված ապրանքային նշանը հանդիսանում է բարդ համակցված նշան, որը բաղկացած է բազմաթիվ գրաֆիկական և բառային տարրերից, ինքնատիպ էլեմենտներից՝ կատարված լատինական և կիրիլիցա տառատեսակներով: Նշանը, հիմնականում, կատարված է բաց արկղի տեսքով: Վերևում և ներքևում պատկերված են

ագատորեն դասավորված մի շարք երկրաչափական ծավալային պատկերներ: Ընդհանուր պատկերի ստորին և վերին հատվածներում առկա են նաև այլ երկրաչափական ծավալային պատկերներ և ուղանկյունաձև դրոշմ, որում զետեղված են բառեր՝ կատարված կիրիլիցա տառատեսակով:

Բողոքարկողը գտնում է, որ հայտարկված «MAPEI» համակցված ապրանքային նշանի նկարագրության վրա առկա են տարբեր ինքնատիպ երկրաչափական, գրաֆիկական, ծավալային պատկերներ, ինչն էլ հանդիսանում է տվյալ ապրանքային նշանի տարբերակիչ հատկությունը և հաշվի առնելով այդ հանգամանքը խնդրում է վերանայել միջազգային հայտ IR 1017975 «MAPEI» համակցված ապրանքային նշանի վերաբերյալ կայացված գրանցումը մերժելու մասին որոշումը և այն գրանցել Հայաստանի Հանրապետության տարածքում:

Կոլեգիայի քննարկման արդյունքները ներկայացնելիս նշվեց, որ 2011թ. հունիսի 13-ին ՀՀ արտոնագրային հավատարմատար Ա. Գալոյանի կողմից ներկայացվել է «MAPEI» համակցված ապրանքային նշանի (հայտի համարը՝ IR 1017975) գրանցումը մերժելու մասին կրկնական փորձաքննության որոշման դեմ բողոք: Նշվեց, որ մերժման հիմք է հանդիսացել «Ապրանքային նշանների մասին» ՀՀ Օրենքի 9-րդ հոդվածի 1-ին կետի 3-րդ ենթակետը, համաձայն որի ապրանքային նշանը ենթակա չէ գրանցման բացի «MAPEI» բառից, քանի որ բաղկացած է գրառումներից, որոնք նշում են ապրանքի տեսակը: Այդ կապակցությամբ «Ապրանքային նշանների մասին» ՀՀ Օրենքի 45-րդ հոդվածի 7-րդ մասի համաձայն, հայտատուին առաջարկվում է որոշումն ստանալու օրվանից երկամսյա ժամկետում հայտարարություն ներկայացնել այդ տարրի նկատմամբ բացառիկ իրավունքի հայտարկումից հրաժարվելու մասին: Հայտատուն հրաժարվել է «MAPEI» ապրանքային նշանը գրանցել՝ դիսկլամացիա անելով գրառումները: Արդյունքում ապրանքային նշանի գրանցումը մերժվել է:

Կոլեգիան առաջարկեց փորձաքննության որոշումը թողնել ուժի մեջ:

Ընդհանուր քննարկման արդյունքում, ղեկավարվելով «Հայաստանի Հանրապետության էկոնոմիկայի նախարարության մտավոր սեփականության գործակալության բողոքարկման խորհուրդ բողոքների եւ դիմումների ներկայացման եւ քննարկման կարգի» 68-րդ կետի 2-րդ ենթակետով բողոքարկման խորհուրդը

Ո Ր Ո Շ Ե Ց

Մերժել «MAPEI S.p.A» ընկերության բողոքը և «MAPEI» (գրանցման թիվ՝ IR 1017975) համակցված ապրանքային նշանի միջազգային գրանցման վերաբերյալ փորձաքննության որոշումը թողնել ուժի մեջ:

Բողոքարկման խորհրդի

նախագահ

Ա. Ազիզյան